

Uunga siunnersuut: Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-meersoq

(Ilinniartitaanermut, Kultureqarnermut, Ilageeqarnermut, Nunanut Allanullu Naalackersuisoq)

Saqqummiussissut

Siullermeerimminneq

Naalackersuisut sinnerlugit matumuuna saqqummiuppara Ilageeqarneq pillugu Inatsisartut inatsisaannik allannguutissamut siunnersuut.

Naalackersuisoqarfiup ingerlaavartumik biskoppeqarfik attavigisarpaa ilagiit pillugit inatsisip atortinneqarneranut atatillugu. Biskoppeqarfiup kissaataasut arlallit saqqummiussimavai allannguinnissamut aamma erseqqissaanissamut ilageeqarnermut inatsimmi aalajangersakkanut atuuttunut tunngatillugu, tamatumalu kingunerisaanik allannguutissanut siunnersuut manna suliaavoq.

Siunnersuummi aalajangersakkat arlaqartut maanna periaatsinik atortinneqartunik tunnga veqarput.

Ilisimatitsiviusumik aamma oqaaseqaateqartitsiviusumik ataatsimiinnerit sanillunneqarsinnaapput atorfinitsisarnermut ataatsimiititaliamut, aallaavittut imaqarniliorfusannngitsunut, allagaatinik takunnissinnaanermik qinnuteqarfusinnaanngitsunik. Tamanna siunnersuummi erseqqissarneqarpoq, taamalu maanna ersilerluni ilisimatitsiviusumik aamma oqaaseqaateqartitsiviusumik ataatsimiinnerit tamanut ammasuunngitsut, aammalu ataatsimiinnerniit imaqarniliorqarsimappat imaqarniliat allattugaatillu allat isertuussassaasut.

Tamatumalu saniatigut siunnersuutigineqarpoq biskoppi siunissami ajoqinnngorniarlutik ilinniagaqalertartunut aamma pattattunngorniarlutik ilinniagaqalertartunut aaqqissuussinernik aalajangersaasartuulissasoq, ilinniartitaanernillu taakkuninnga pilersaarusiit Naalackersuisunit akuerineqartussanngorlugit nassilunneqartassasut. Tamatumalu kingunerisaanik nalunaarutit maanna ilinniartitaanernut taakkuninnga atuuttut atorunnaarsinneqassapput. Ilageeqarneq pillugu Inatsisartut inatsisaanni aalajangersagaareerpoq biskoppip suliasarigaa ajoqissanik aamma pattattussanik ilinniartitsineq. Ilinniartitaanernullu tunngatillugu akisussaaffik taamaasilluni biskoppimi inissisimareerpoq, taamaattumillu pissusissamisoortutut isigineqarluni biskoppip ilinniartitaanerni killiliussassanik aaqqissuussisuunissaa. Siunnersuummi erseqqissarneqarpoq ilinniartitaanermik aaqqissuussineq sunik imaqartussaannersoq.

Kiisalu siunnersuutigineqarpoq oqaluffiup nalinginnaasumik ammasarfiata avataasigut pulaartitsinermi akiliuteqartitsisarneq pillugu aalajangersagaq. Inatsisit maanna atuuttut naapertorlugit pisussaaffiunngilaq oqaluffiit ammatinneqartarnissaat nalinginnaasumik ammasarfiisa avataasigut. Taamaattumik neriuutigaarput ilagiit sinniisaasa akiliuteqartitsisalersinnaanerat qiimmassaataasinnaasoq aaqqissuussamik takornariartitsisarnermik pilersaarusiortalermissamut, taamaasillunilu aaqqissuussineq nammineq aamma takornariartartunut iluaqutaasinnaalluni. Akiliutaasut ilagiinnik

sullissinermut atugassanngortinneqartassapput. Neriutigaarpullu tamatumuuna ilagiinnik sullissineq nukittorsarneqarsinnaasoq.

Taamaattoq ilagiit sinniisaasa ataasiakkaarlutik nammineq aalangersartassavaat, akiluteqartitsisarnermik atuisoqassanersoq. Illoqarfinni aamma nunaqarfinni qaqutiguinnaq takornariat tikittagaanni aaqqissuussineq isumaqangaarnavianngilaq, illoqarfinnut akuttunngitsumik umiarsuarnik takornariartunik ilaasulinnik tikinneqartartunut sanilliullugu, taamalu amerlasuunit takornariarfusartunut sanilliullugu. Naatsorsuutigineqarpoq akiliutaasusaq annikitsunnguussasoq, taamalu takornariartunut ataasiakkaanut sunniuteqangaartussaasanani.

Taamatut oqaaseqarluta siunnersuut inussiarnersumik Inatsisartunut suliassiissutigaarput.